

盧李尚書詩集

全

集

附李氏  
事蹟





盧 仝 集

盧 仝 著

編主五雲王

編初成集書叢

種一他其及集全盧

中華民國二十八年十二月初版

嚴朱

發行人

王雲五  
長沙南正路

印刷所

商務印書館

發行所

商務印書館  
各埠

G 一六八一上

(本書校對者黃聿祥)



叢書集成

初編

主編者  
王雲五

商務印書館發行

本館據畿輔叢書  
本排印初編各叢  
書僅有此本

# 盧仝集卷一

唐 范陽盧 仝 著

## 月蝕詩

新天子卽位五年。歲次庚寅。斗柄插子。律調黃鐘。森森萬木夜殭立。寒氣最屬一作頑無風。爛銀盤從海底出。出來照我草屋東。天色紺滑凝不流。冰光交貫寒臃腫。初疑白蓮花。浮出龍王宮。八月十五夜。比並不可雙。此時怪事發。有物吞食來。一本有輪中二字輪如壯士斧斫壞。桂似雪山風拉摧。百鍊鏡。照見膽。平地埋寒灰。火龍珠。飛出腦。卻入蚌蛤胎。摧環一作摧輪。破壁眼看盡。當天一搭如煤炷。磨蹤滅跡須臾間。便似萬古不可開。不料至神物。有此大狼狽。星如撒沙出。爭頭事光大。奴婢炷暗燈。一作燈看揜烏感。夜吐燄長如一作虹。孔隙千道射戶外。玉川子。涕泗下。中庭獨自行。念此日月者。太陰太陽精。皇天要識物。日月乃化生。走天汲汲勞四體。與天作眼行光明。此眼不自保。天公行道何由行。吾見陰陽家有說。望日蝕。月月光滅。朔月掩日。日光缺。兩眼不相攻。此說吾不容。又孔子師老子云。五色令人目盲。吾恐天似人好色。卽一作喪明。幸且非春時。一作萬物不嬌榮。青山破瓦色。綠水冰崢嶸。花枯無女豔。鳥死沈歌聲。頑冬何所好。偏使一目盲。一作聞古老說。蝕月蝦蟆精。徑圓千里入汝腹。汝一作此癡骸一作阿誰一作從何生。可從海窟來。便解緣青冥。恐是匪睫間。揜一作塞所化成。黃帝有二目。帝舜重瞳明。二帝懸四目。四



血鳥罪不可雪。西方攫虎立踦踦。凡音斧爲牙。鑿爲齒。偷犧牲。食封豕。大蟆一瓣。固當輭美。見似不見。是何

道理。爪牙根天不念天。天若准擬錯准擬。北方寒龜被虵縛。藏頭入殼如入獄。虵筋束緊束破殼。寒龜夏

鼈一種味。且當以其肉充臙。死殼沒信處。一作且當臙其肉唯堪支牀腳。不堪中。一作鑽灼與天下字

歲星主福德。官爵奉董秦。忍使黔婁生。覆尸無衣巾。天失眠不弔。歲星胡其仁。熒惑矍鑠翁。執法大不中。

月明無罪過。不糺蝕月蟲。年年十月朝。太微支慮謫。罰何災凶。土星與土性相背。反養福德生禍害。到人

頭上死破敗。今夜月蝕安可會。太白真將軍。怒激鋒鏑生。恆州陣斬酈定進。項骨脆甚春蔓菁。天唯兩眼

失一眼。將軍何處行。天兵辰星任廷尉。天律自主持。人命在盆底。固應樂見天盲時。天若不肯信。試喚臯

陶鬼一問。一如今日。孫本作一問而今。○按四庫提要云。試喚臯陶鬼一問而今。三台文昌宮。作上天作

上紀網。環天二十八宿。一本無磊磊尙書郎。整頓排班行。劍握他人將。一四太陽側。一四天市帝。一作傍操

斧代大匠。兩手不怕傷。弧矢引滿反射人。天狼呀啄明煌煌。癡牛與駮女。不肯勤農桑。徒勞含淫思。旦夕

遙相望。蚩尤簸旗弄旬朔。始槌天鼓鳴璫琅。枉矢能龍。一作蛇行。眊目森森張。天狗下舐地。血流何滂滂。譎

險萬萬黨。架構一作何可當。昧一作目豐成就。害我光明王。請留北斗一星相北極。一作請留北指麾萬

國懸中央。此外盡掃拂。一作除堆積一作如山岡。贖我父母光。當時常恆。一作星沒殞星。一作雨如迸一作漿似

天會事發。叱喝誅奸強。一作何故中道廢。自遺今日殃。善善又惡惡。郭公所以亡。願天神聖心。無信他人

忠。玉川子詞訖。風色緊格格。近月黑暗邊。有似動劍戟。須臾癡蟆精。兩吻自決坼。初露半箇壁。漸吐滿輪



魄衆星盡原赦。一蟆獨誅磔。腹肚忽脫落。依舊挂穹碧。光彩未蘇來。慘澹一片白。奈何萬里光。受此吞吐厄。再得見天眼。感荷天地力。或問玉川子。孔子修春秋。二百四十年。月蝕盡不收。今子咄咄詞。頗一作合孔意不。玉川子笑笑。或請聽逗留。孔子父母魯。諱魯不諱周。書外書大惡。故月蝕不見收。予命唐天口。食唐土。唐禮過三。唐樂過五。小猶不說。大不可數。災沴無有。小大瘡。安得一本無引衰周。研覈其一本無可。否。日分晝。月分夜。辨寒暑。一主刑。二主德。政乃舉。孰爲一作人面上。一目偏可去。願天完兩目。照下萬方土。萬古更不瞽。萬萬古更不瞽。照萬古。孫本作照下萬方土。更不瞽萬萬古。少入字。

哭玉碑子

山有洞左頰。拾得玉碑子。其長一周尺。其闊一藥匕。顏色九秋天。稜角四面起。輕敲吐寒流。清悲動神鬼。稽首置手中。只似一片水。至文反無文。上帝應有以。予疑仙石靈。願以仙人比。心期香湯洗。歸送籙堂裏。頗奈窮相驢。行動如跛鼈。十里五里行。百蹶復千蹶。顏子不少天。玉碑中路折。橫文尋龜兆。直理任瓦裂。劈竹不可合。破環永離別。向人如有情。似痛滴無血。勘鬪平地下。罅坼多齧缺。百見百傷心。不堪再提挈。怪哉堅貞姿。忽一作脆不堅固。矧曰人間人。安能保常度。敢問生物成。敗爲有真素。爲稟靈異氣。不得受穢污。驢罪真不厚。驢生亦錯誤。更將前前行。復恐山神怒。白雲翁閉嶺。高松吟古墓。置此忍其傷。驅驢下山路。一作去。

觀放魚歌

常州賢刺史。從諫議大夫除。天地好生物。刺史性與天地俱。見山客狎魚鳥。坐山客北亭湖。命舟人駕舫。子漾漾菰蒲。酒興引行處。正見漁人魚。刺史密會山客意。復念網羅嬰無辜。忽脫身上殷緋袍。盡買罟獲。盡有無。鰻鱧鮎鱖。涎惡最頑愚。鱒魴見幽風。質幹稍高流。時白噴雪鯽鯉。此輩肥脰爲絕尤。老鯉變化頗神異。三十六鱗如抹朱。水苞宏窟有蛟鼉。餌非龍餌唯無鱸。叢雜百千頭。性命懸須臾。天心應刺史。刺史盡活諸。一一投深泉。跳脫不復拘。得水競騰突。動作詭怪殊。或透藻而出。或破浪而趨。或掉尾子子。或奮鬣愉愉。或如鶯擲梭。此一本缺三字。或如蛇銜珠。四散漸不見。島嶼徒縈紆。鸚鵡鴝鷀。喜觀爭叫呼。小蝦亦相慶。繞岸搖其鬚。乃知貪生不獨頑癡夫。可憐百千命。幾爲中腸菹。若養聖賢真。大烹龍髓敢惜乎。苦痛如今人。盡是魚食魚。族類恣飲噉。強力無親疏。明明刺史心。不欲與物相欺誣。岸蟲兩與命無意。殺此活彼用賊徒。亦憶清江使。橫遭乎余且。聖神七十鑽。不及泥中鱸。哀哉託非賢。五臟生冤讎。若當刺史時。聖物保不囚。不疑且不卜。二子安能諛。二子儻故諛。吾知心受誅。禮重一草木。易卦稱中孚。又曰鈞不綱。又曰遠庖廚。一作。仁人用心。刺史盡合符。昔魯公觀棠。距箴遂被孔子貶。而書今刺史好生德。治民心。誰爲刺史一褒譽。刺史自上來。德風如草鋪。衣冠興廢禮。百姓減暴租。豪猾不豪猾。鰥孤不鰥孤。開古孟。瀆三十里。四千頃泥坑。爲膏腴。刺史視之總若無。訟庭雀噪坐不得。湖上拔菱植芙蓉。勝業莊中二桑門。時時對坐談真如。因說十千天子事。福力當與刺史俱。天雨曼陀羅花。深沒膝。四十千真珠瓔珞堆高樓。此中一作怪特不可會。但慕刺史仁有餘。刺史敕左右兼小家。一本有字。奴慎勿背我沈毒鉤。念魚承奉刺。

史仁深僻處，遠遊刺史職。小教化未能敷，第一莫近人。惡人唯口腴，第一莫出境。四境多網罟，重傷刺史心。喪爾微賤軀。

示添丁

春風苦不仁，呼逐馬蹄行人家。慚愧瘴氣卻憐我，入我憔悴骨中爲生涯。數日不食強強行，一作強起行何忍。索我抱看滿樹花，不知四體正困憊。泥人啼哭聲呀呀，忽來案上翻墨汁。塗抹詩書如老鴉，父憐母惜攔不得。卻生癡笑令人嗟，宿春連曉不成米。日高始進一椀茶，氣力龍鍾頭欲白。憑仗添丁莫惱爺。

寄男抱孫

別來三得書，書道違離久。書處甚麤殺，且喜見汝手。般十七又報汝文頗新有，別來纔經年。囊盎未合斗，當是汝母賢。日夕加訓誘，尙書當畢功。禮記速須剖，嘍囉兒讀書。何異摧枯朽，尋義低作聲。便可養年壽，莫學村學生。麤氣強叫吼，下學偷功夫。新宅鋤藜莠，乘涼勸奴婢。園裏耨葱韭，遠籬編榆棘。近眼栽桃柳，引水灌竹中。蒲池一作池種蓮藕，撈漉蛙蝥腳。莫遣生科斗，竹林吾最惜。新筍好看守，萬籜苞龍兒。攢迸溢一作隘。林藪吾眼恨不見，心腸痛如搗。宅錢都未還，債利日日厚。籜龍正稱冤，莫殺入汝口。丁甯囑託汝，汝

活籜龍不般十七老儒，是汝父師友。傳讀有疑悞，輒告諮問取。兩手莫破拳，一吻莫飲酒。莫學捕鳩鴿，莫學打雞狗。小時無大傷，習性防已後。頑發苦惱人，汝母必不受。任汝惱弟妹，任汝惱姨舅。姨舅非吾親，弟妹多老醜。莫惱添丁郎，淚子作面垢。莫引添丁郎，赫赤日裏走。添丁郎小小，別吾來久久。脯脯不得喫，兄

兄莫撚搜。他日吾歸來。家人若彈糺。一百放一下。打汝九十九。

自詠三首

本集云。玉川子臨終旬月作此詩。蓋有曳杖起起之知也。

爲報玉川子。知君未是賢。低頭雖有地。仰面輒無天。骨肉清成瘦。葛蔓老覺羶。家書與心事。相伴過流年。  
盧子隴鍾一作鍾也。賢愚總莫驚。蚊蟻當家口。草石是親情。萬卷堆胸朽。三光撮眼明。翻悲廣成子。閑氣說長生。

物外無知己。人間一癡王。生涯身是夢。耽樂酒爲鄉。日月黏髭鬢。雲山鎖肺腸。愚公只公是。不用謾驚張。

送王儲詹事西遊獻兵書

一本分三首

美酒撥醅酌。楊花飛盡時。落日長安道。方寸無人知。篋中制勝術。氣雄屈指筭。半醉千般勤。仰天一長歎。玉匣百鍊劍。龜文又龍吼。抽贈王將軍。勿使虛白首。

送邵兵曹歸江南

春風楊柳陌。連騎醉離觴。千里遠山碧。一條歸路長。花開愁北渚。雲去渡南湘。東望濛濛處。煙波是故鄉。

寄外兄魏澈

何處堪惆悵。情親不得親。與甯樓上月。辜負酒家春。

喜逢鄭三遊山

相逢之處花茸茸。石壁攢峰千萬重。他日期君何處好。寒流石上一株松。

卓女怨

妾本懷春女。春愁一作不自任。迷魂隨風客。嬌思入琴心。託援交情重。當壚酌意深。誰家有夫婿。作賦得黃金。

守歲二首

去年一作年去。留不住。年來也任他。當壚一榼酒。爭奈兩年何。  
老來經節臘。樂事甚悠悠。不及兒童日。都盧不解愁。

新月事文類聚作梁劉琰詩

仙宮雲箔卷。露出玉簾鉤。清光無所贈。相憶鳳皇樓。

解悶

人生都幾日。一半是離憂。但有尊中物。從他萬事休。

楊子津

風卷魚龍暗楚關。白波沈卻海門山。鵬騰鵬倒且快性。地坼天開總是閑。

人日立春

春度春歸無限春。今朝方始覺成人。從今一作克一作已應猶及顏一作願一作與梅花俱自新。

送尉遲羽之歸宣州

君歸乎。君歸興不孤。謝眺澄江今夜月。也應憶著此山夫。

悲新年

新年何事最堪悲。病客遙聽百舌兒。太歲只遊桃李徑。春風肯管歲寒枝。一作青風肯換歲寒枝。

憶酒寄劉侍郎

愛酒如偷蜜。憎醒似見刀。君爲麴蘖主。酒醴一作醒莫辭勞。

白鷺鷥

刻成片玉白鷺鷥。欲捉纖鱗心自急。翹足沙頭不得時。傍人不知謂閑立。

風中琴

五音六律十三徽。龍吟鶴響思庖羲。一彈流水一彈月。水月風生松樹枝。

感秋別怨

霜秋自斷魂。楚調怨離分。魄散瑤臺月。心隨巫峽雲。蛾眉誰共畫。鳳曲不同聞。莫似湘妃淚。斑斑點翠裙。

新蟬

泉溜潛幽咽。琴鳴乍往還。長風翦不斷。還在樹枝間。

題褚遂良孫庭竹

負霜停雪舊根枝。龍箏鳳管君莫截。春風一番琴上來。搖碎金尊碧天月。

訪含曦上人

三入寺曦未來。轆轤無人一作無繩。井百尺。渴心歸去生塵埃。

客淮南病

揚州蒸毒似□湯。客病清枯鬢欲霜。且喜閉門無俗物。四肢安穩一張牀。

村醉

昨夜村飲一作村醉一作村黃昏歸健連一作連倒三四五。摩挲青莓苔。莫嗔驚著汝。一作摩娑莓苔背嗔我驚汝不。

蕭宅二三子贈答詩二十首序

蕭才子修文行名聞。將遷家于洛。賣揚州宅未售。玉川子客揚州。羈旅識蕭。遂館蕭未售之宅。既而蕭有事于欽州。玉川子欲歸洛。憶蕭遂與砌下二三子酬酢說相媿意。俄而二三子有憂宅售心。與其他人手執與洛客。以蕭故。亦有勉強不能逆其情。文以見意。遂盡錄寄蕭。天知地知。非苟有所欲。二三子心遠訥。君子蕭乎蕭乎。君歸不得見者。細長三四片者乎。

客贈石

竹下青莎中。細長三四片。主人雖不歸。長見主人面。

石讓竹

自願撥一作不轉。何敢當主人。竹弟有清風。可以娛嘉賓。

竹答客一作竹

竹弟謝石兄。清風非所任。隨分有蕭瑟。實無堅重心。

石請客

竹弟雖讓客。不敢當客恩。自慙埋沒久。滿面蒼苔痕。

客答石

遍索天地間。彼此最癡癡。主人幸未來。與君爲莫逆。

石答竹

石報孤竹君。此客甚高調。共我相共癡。不怕主人天下笑。我非蛺蝶兒。我非桃李枝。不要兒女撲。不要春風吹。苔蘚印我面。雨露皴我皮。此故不嫌我。突兀蒙相知。此客卽西歸。我心徒依依。我欲隨客去。累重不解飛。知弟虛心亦待客。此客何以共報之。

竹請客

我本泰山阿。避地到南國。主人欲移家。我亦要歸北。上客幸先歸。願託歸飛翼。唯將脩脩一作修風。累路報恩德。

客謝竹

揚州駁雜地。不辨龍蜥當作蜥。客身正乾枯。行處無膏澤。太山道不遠。相庇實無力。君若隨我行。必有煎



茶厄。

石請客

啓母是諸母，三十六峰是諸父。知君家近父母家，小人安得不懷土。憐君與我金石交，君歸可得共載否。小人無以報君恩，使君池亭風月古。

客謝石

我有水竹莊，甚近嵩之巔。是君歸休處，可以終天年。雖有提攜勞，不憂糧食錢。但恐主人心，疑我相□□。石再請客。

主人若知我，應喜我結得君。主人不知我，我住何求于主人。我在天地間，自是一片物。可得枉壓我，使我頭不出。

客許石

石公說道理，句句出凡格。相知貴知心，豈恨主爲客。過須歸去來，旦晚上無厄。主人誠賢人，多應不相責。井請客。

客謝井

我生天地間，頗是往還數。已效炊爨勞，我亦不願住。君有造化力，在君一降顧。我願拔黃泉，輕舉隨君去。改邑不改井，此是井卦辭。井公莫怪驚，說我成憨癡。我縱有神力，爭敢將公歸。揚州惡百姓，疑我卷地皮。